



### امور داخلیه

نام نامی حضرت جهانداری به منسوب قالیون همایون کوه نمون حضرت جهانبانی انشا اولندی خیلی وقت اوله رق کرکی کبی تعمیره محتاج اولمش اولمسیله متعلق بیوریلان اراده سنیه ورخصت علیه حضرت ملوکا نه به مبنی بوندن ایکی سنه اول حوض عشیق کبیره وضع ایله امر تعمیرینه یعنی هیئت واندامی بوزلماق اوزره انشا و تجدیدینه بدأ ومباشرت اولمشیدی رجز تعالی وتقدس پادشاه بحر وبروشه نشاه محاسن اثر افندمن حضرت ترینی هر حالده توفیقات ربانیه وتأمیدات سبحانیه سنه مظهر وهر برامور ومصالح سلطنت سنیه لرنده تسهیلات صمدانیه سن یار ویاور بیورسون جدا ثم جدا پیرایه ذات قدسیت آیات جهانداری یلری اولان عنوان توفیقات نشان مجد دیت سنیه اقتضای عالیسنجه عصر پرنصر ملوکا نه لرنده برطاق آثار خیریه جدیده اغوش حسن حصوله رسیده اولمده اولدیغی مثلاً قالیون همایون فوز مقرون مذکور دخی شمیدی به دکین ترسانه عامه ده مثلی نامسوق اولدیغی وجهله درت باطریه لی اولمق یعنی درت صره طوی المق اوزره سایه شوکتویه حضرت ملوکا نه ده طرز نوین ورسم دلنشین وجهله بوددغه واصل کال و ختام اولمش اولدیغندن کذران ایدن محرم الحرامک یکر مچی مبارک جمعه کونی ذات ظلیت آیات جناب ملوکا نه بعد ادای صلاة الجمعه بالشوکه والاجلال حوض مذکور شرف قدوم میامن لزوم جناب جهانبانیلریله تشریف ودولتلو سرعسکر پاشاوقیودان پاشاوحسب پاشا حضرت ایله بحر به مستشاری سعادتلو افندی محل مزبورده موجود ومترقب دیدار محاسن آثار پادشاه نصرت موعود اولدقلری حالده مشارالیهم حضرت ایله افندی مومی الیهی التفات مستلزم المباهات تاجدار یلریله تلطف بیوروب بعنده سنوح ایدن امر وفرمان تسهیلات نشان جناب ملوکا نه موجبجه قالیون همایون مذکور کال سرعت وسهولتله حوض مذکور دن اخراج اولمش ومشار الیه قیودان پاشا حضرت لریله مومی الیه مستشار افندی تقبیل قدم معالی توأم شاهانه وسر معمار علی افندی دخی نائل عطیه سنیه حضرت پادشاهانه ایله متهج ومسرور اوله رق ذات معالیسمات جناب خلافتیناهی زورق سوار شوکت واجلال ایله آینه لی قواق نام جای دلکشایی تشریف وتبویر اراده سنیه سیله عودت همایون وقوعبولمش وکذلک برمدتدبرو حوض جدیدده مجدد صورتیله تعمیر وترمیم اولنسان اویچ انبارلی مسعودیه نام قالیون همایون شاهانه نک دخی امر تعمیری تکمیل اولدیغندن اولدخی مقدمجه اخراج اولنه رق در دست تجهیز بولنمش اولدیغی ثبت صحیفه نسخ تقویم وقایع قلندی

سایه شوکتویه حضرت کشور کشاییده سفن دونغای همایون شاهانه وجنود نصرت نمود بحریه جناب پادشاهانه بتوفیقه تعالی کسب ازدیاد واکتشار ایتمکده اولدیغندن حسن قومانده واداره لیچون ترسانه عامرده رتبه لی برذاتک بولنمش لازم کلمش ومدت مدیده دنبرو قیودانه همایون قیودانی بولنسان سعادتلو مصطفی بکک فنون بحریه واداره امور عسکر یهده لیاقت

ومعلوماتی مسلم ومجرب بولنمش اولدیغندن میر مومی الیه عساکر بحریه فریقلی رتبه رفیعه سنک توجیه واحسان بیورلمسی قیودان مشار الیه حضرت لری طرفندن با تقریر انها والتماس اولنمش واولیاده عاطفت افزای سنوح وصدور بیوریلان امر واراده مکارمعهه جناب جهانبانی موجبجه رتبه رفیعه مذکور به بالتوجیه مأمور تی اجرا قلمش اولدیغنه وولی نعمت بیمنتز شهنشاه مکارم عنوان افندمن حضرت لری محرم سابق مذکورک یکر می یدنجی جمعه کونی صلاة جمعه یی بالسلطنة والاجلال باب الجسره کائن جامع شریفده ادا وایفا بیورمش اولدقلرینه بناء فریق مشار الیه بعد الصلاة قیودان مشار الیه حضرت لری دلالتیه مبارک ومسعود خاکای کامنشیای حضرت ملوکا نه به رومال وفریق یقلاک نشان قرلمعانی حضور میامن موفور جناب تاجدار یه کر بیان استقامته بالتعلیق مظهر الطاف واعطاف پادشاه دریا نوال اولمشدر

بوندن مقدم طبع ونشر اولنسان تقویم وقایع نسخ لرنده بیان واشعار اولندیغی اوزره عساکر نظامیه حضرت شاهانه نک البسه وایاق قابی دیکمخانه لری دولتلو سرعسکر پاشا حضرت لرینه احاله وتفویض ومصارفات نظارتک لغویله اداره تعیینات وارزاق ایچون مجرب الاطوار برینک بالانتخاب تعیینات مدیری نصب وتعیین اولنمشی مجالس عالیه ده مذاکره وتصویب قلمشیدی اشبو تعیینات عسکر یه ماده سی دخی خیلی جسیجه بر خدمت اولدیغندن حسن اداره ورؤیتی ضمنده نصب بیوریله جق مدیرک بو ماده به وقوفی لازمدهن واسبق عساکر منتظمه شاهانه کاتبی اولوب خداوند کار سنجاغنگ بعض قضا لری تحریرینه مأمورا اولجا نبده بولنسان سعادی افندی مواد عسکر یه به واقف بندکندن اولدیغنه بناء مأموریت باقیه سی معینده اولان کتبه دن برینه تکمیل ایتدرلک اوزره مومی الیهک جلیله مدیرک مذکورک کندویه احاله سی بالتنسب اراده معالیهه حضرت ملوکا نه متعلق بیورلمش ومومی الیه دخی درعلیه به بالور ود ایفای مأمورینه مبادرت ایلشدر یوز پتمش یدنجی دفعه رقیله طبع وتمثیل اولنسان تقویم وقایع نسخه سنده بیان اولندیغی اوزره نیش حواله سننده اولوب روم ایلی ایالتی داخلنده اولان معلوم الاسامی چند عدد قضا لک مناسبت موقعیه سی جهتیله نیشه ربط والحقا ونیش ایالتی اطلاقیه مشیر لکی عطوفتلو محمد واصف پاشا حضرت لرینه احاله وتوجیه ونیش محافظی سابق سعادتلو خسرو پاشا حضرت لری دخی نظام محاسن اتسامی اقتضاسنجه بالجمله مشیران معیتلرنده اولدیغی مشالو نیش فریق نصبیه مقدا کندو سنک محافظلق مذکور مأمور تی جهتیله عهده سندن محل اوله رق برادرینه احاله اولنسان صماقو نظارتی ملحقایله برابر کافی السابق مشار الیه خسرو پاشا عهده سنه احاله وتفویض اولنمشیدی بلغراد قلعه سی دخی نیشه قرب وجوار ومشیرلک مذکور الحاقی تقدیرنده اصول اداره ومحافظه سننده مضبوطیت حاصل اوله رق هر وجهله محسناتی موجب اوله جخی ظاهر وبیدار اولمق حسبیه قلعه مر قومنهک اولوجهله نیشه ربطیله مشار الیه خسرو پاشانک کماکان نیش فریق اولمق اوزره بلغراد محافظلغنه مأمور تی وبوجهته کندوسی خدمت محافظه ایله مشغول اوله جغندن عهده سننده اولان صماقو نظارتی برادری معرفتیله اداره اولنمشی ومشار الیهک وصولیه تسلیم وتسلم قاعده سی



ومحسنات دخی مشاهده اولنه میوب بلکه اعاده سی هر برایشانک فیثانته کسب اطلاع اولنه رق بیع وشراده اهون صورتله قطع فیثات اولنمسه بنه مدار اوله جنی امر بارز بولندیغنه و بو جهته اشبو میوه ترک کنگ کافی السابق اجراسی طبیعت مصلیتدن اولمغله بر مقتضای اراده سنیه اقتضای بالاجرا کیفیت معلوم اولتی اوزره اشعار اولندی

درگاه عالی قیوچی باشیلرندن پولی متسلی اسمعیل اغا شمدی یه قدر حسن سلوک وحرکتی وصیانت فقرا امر اهنه دقتی مشهود اوله رق شایان احسان مکارمنشان جناب جهانبانی بندکاندن بولنمش اولدیغنه بناء عاطفت افزای صدور بیوریلان امر و اراده عنایتعاده جناب شاهانه موجبنجه عواطف علیه ملوکانه دن اغای مومی ایله اصطل عامره مدیر لکی پایه سی توجیه واولوجهله قدر و اعتباری تنویه بیورلشدر

ارضروم مشیری عطوفتو عثمان نوری پاشا حضرتلرینک دائره لری مدیری علی اغا ذاتنده یرار وکارگذار وخدمات دولت علیه ده استخدا مه شایان اوله رق وجوهله سزاوار عنایت اولدیغنه بناء درگاه عالی قیوچی باشیلغی احسانیه قدری ترفیع بیورلمسی مشارالیه حضرتلری طرفلرندن التماس اولنمش اولدیغی رکاب کامیاب حضرت جهاننداری یه لدی العرض شرفر یز صدور بیوریلان امر و اراده عنایتعاده جناب خلافتیناهی موجبنجه عواطف علیه ملوکانه دن مومی ایله مجددا درگاه معلا قیوچی باشیلغی توجیه ورؤس همایونی اعطا اولنمشدر

یودفعه اسلمیه و یوده سی نصب و تعیین بیورلمش اولان مصطفی بک اصدقای دولت علیه دن اولوب وجوهله سزاوار عنایت اولدیغنه بناء شرفر یز سنوح و صدور بیوریلان امر و اراده احسانعاده جناب جهاننداری موجبنجه عواطف علیه ملوکانه دن میر مومی ایله مجددا درگاه عالی قیوچی باشیلغی توجیه ورؤس همایونی اعطا اولنمشدر

یقضاء اه تعالی کینلرده محترق اولان باب عالینک حرم دائره سی طرفلرندن وقوعبولان ضایعات مجرد سایه حضرت ملوکانه ده ارضرومده بعض ایرانلوینده بولنه رق کندوسبیله درسمادته کوندلرش اولان ارضروم مشیری عطوفتو عثمان نوری پاشا حضرتلرینک مهردارلری خورشید افندی ارباب استعداد ولباقتدن واصحاب قلم ودرایتدن اولدیغندن بختله خواجه لک رتبه معتبره سی احسانیه بکام بیورلمسی مشارالیه حضرتلری طرفلرندن وباش محاسبه قلمی خلفاسندن قونیه ردیف منصوره بوقلمه جنسی محمد انیس افندی دخی ارباب هنر و معارفدن اولدیغنه بناء کذلک خواجه لک رتبه رفیعه سی احسانیه چراغ بیورلمسی قونیه مشیری عطوفتو حاجی علی پاشا حضرتلری طرفلرندن التماس اولدیغی خاکای کامبخشای جناب پادشاهی یه لدی العرض شرفر یز سنوح و صدور بیوریلان امر و اراده عنایتعاده حضرت خلافتیناهی موجبنجه عواطف علیه ملوکانه دن مومی ایله دیوان همایون خواجه لکی توجیه اولنوب رؤس همایونلری ویرلشدر

روم ابلی مشیری عطوفتو زکریا پاشا حضرتلرینک مکتوبجلیق خدمتلرنده اولان حافظ محمد رشیدی افندی هنر و معرفتی درکار و ازهر جهت عنایت سنیه یه سزا وار اولدیغنه بناء سایه شوکتوایه حضرت ملوکانه ده خواجه لک رتبه معتبره سی احسانیه بکام بیورلمسی مشارالیه حضرتلری طرفلرندن التماس اولدیغی عتبه فلکمرتبه جناب کتبی ستانی یه لدی العرض شرفر یز سنوح و صدور بیوریلان امر و اراده عنایتعاده حضرت شاهانه موجبنجه عواطف علیه جهانداریدن مومی ایله دیوان همایون خواجه لکی توجیه ورؤس همایونی اعطا اولنمشدر

بغداد مکرکجسی برادری صالح اغا ذاتنده یرار وکارگذار وخدمات دولت علیه ده استخدا مه شایان اوله رق وجوهله سزاوار عنایت اولدیغنه بناء درگاه عالی قیوچی باشیلغی و فارسی کاتبی محمد افندی و معتمد احمد افندی دخی ارباب هنر و معارفدن اولوب ازهر جهت عنایت سنیه یه شایان اولدیغلرینه مینی خواجه لک رتبه معتبره سی احسانیه بکام بیورلمسی بغداد والیسی عطوفتو علی رضا پاشا حضرتلری طرفلرندن التماس اولنمش اولدیغی رکاب کامیاب حضرت شاهانه یه لدی العرض شرفر یز صدور بیوریلان امر و اراده عنایتعاده جناب خلافتیناهی موجبنجه عواطف علیه ملوکانه دن مومی ایله یهدن صالح اغایه درگاه عالی قیوچی باشیلغی و محمد افندی ایله احمد افندی یه دخی دیوان همایون خواجه لکی توجیه و اقتضا ایدن رؤس همایونلری اعطا اولنمشدر

بعض آثار خیره

ایح ایل سنجاغنده زینه ناحیه سنده دقین خالک عطر ناک اولان شیخ علی السمرقندی قدس سره الجلی حضرتلرینک تربه شریفه لری جوارنده کائن اون باب حجره و بر مسجدی مشتمل مدرسه مشرف خراب اولدیغندن حالا قونیه مشیری عطوفتو الحاج علی پاشا حضرتلری سایه همایویه حضرت ملوکانه ده تعمیر واحیا وارضروم مشیری عطوفتو عثمان نوری پاشا حضرتلری ارضرومده لالا پاشا جامع شریفی حولبسته مجددا بر باب موقخانه وارضروم قراسندن خارت نام قریه ده مشرف خراب اولان جامع شریفک تعمیر یله اتصالیه بر قاج اوطله مدرسه بنا و طرز و قضا سی محلا نندن اورته حصار محله سنده کائن بهشت آشیان ابو القحح سلطان محمدخان علیه الرحمة والغفران حضرتلرینک احیا کرده لری اولان جامع شریف حولبسته واقع شادروان ایله اتصالیه مدفون فاتح مشارالیه حضرتلرینک طوپچی باشیلرینک تربه شریفه سنی دخی حالا طرز و والیسی عطوفتو عثمان پاشا حضرتلری تعمیر وانشا و بور دور قصبه سی خاندا نندن و درگاه عالی قیوچی باشیلرندن محمد امین اغا قصبه مز بورده مجددا ایکی فوقانی درسخانه واون ایکی باب حجراتی مشتمل بر مدرسه ایله بر عدد چشمه انشاسنه اعتنا ایلش و یکبشهر بروسه قضا سنده نضوح بک محله سنده کائن طریقت علیه رفاعیه یه مخصوص زاویه مشرف خراب اولدیغندن درگاه عالی قیوچی باشیلرندن قضاء مز بور و یوده سی الحاج محمد حلمی اغا زاویه مذ کوره بی بر قاج باب اوطله علاوه سبیله مجددا بنا و اتصالیه بر عدد چشمه دخی یاپدیروب ماء لذینغی اجرا ایلش ونفس کوناهیه ده خراب اولان تیمور طاش پاشا جامع شریفی مدینه مذ کوره معجلات نظری صالح افندی معرفتیه مجدد حکمنده تعمیر و ترمیم و کتفری سنجاغنده تونی قریه سنده واقع جامع شریفک اتصالیه لواء مز بور متسلی درگاه عالی قیوچی باشیلرندن عبده اغا طرفلرندن مجددا بر عدد چشمه انشا وتنظیم اولنمش اولدیغی اناطولی طرفلرندن وایلبصان سنجاغی متسلی درویش بک ایلبصان قصبه سنده کائن محمد اغا جامع شریفک محتاج تعمیر اولان محلا رینی سایه مبرا توایه حضرت ملوکانه ده تعمیر ایله عین و بسارینه مجددا ایکی باب مکتب علاوه وانشا و میر مومی ایله برادری حسن بک دخی قصبه مز بورده واقع طریقت علیه قادریه دن شیخ ابراهیم افندی زاویه سنی تعمیر واحیا ایلش وینه قصبه مز بورده دباغخانه جوارنده اولان خراب جامع شریف ایله حاجیلر چشمه سی نام محله وارنجه خراب و فرسوده اولان قالدردرملر علی منیب افندی نام متوفانک ثلث مالدن و صبسی معرفتیه تعمیر وتنظیم اولنمش و تیران قضای متسلی درگاه عالی قیوچی باشیلرندن عبده الرحمن بک دخی قصبه مز بورده کائن جامع عتیق جوارینه یدی اوطله لی مجددا بر مدرسه بنا و خارج قصبه ده کائن جاده لک خراب اولان قالدردرملری ایکبشهر بقی ساعت مسافه محلا ره قدر تعمیر وانشا وینه تیران قصبه سنده قورشلی جامع شریف قر بنده مقدا انشاسنه بدأ اولنسان ساعت کبیر اینه سنی منسل

مومی الیه ایله اها لیدن بعض اصحاب خیرات تکمیلہ اعتنا ایلش وساقز  
 جزیره سی حصنی داخلندہ مشرف خراب اولان تونسللی عبدالرحمن پاشا مسجد  
 شریفی چشمہ قضاسی خاندانندن ممش اغا طرفندن وزغره عتیق قضاسنده  
 غازیلر بایری نام محلده دفین خاک عطرنک اولان محمد طوغانی حضرت ترینک  
 مشرف خراب اولان تریبه شریفه سی قضاء مزبور و یوده سی جلال الدین  
 اغا جانندن تعمیر و ترمیم وجوارینه زوار ایچون براوطه علاوه وتنظیم اولمش  
 واشقودره ده دفین خاک عنبرین اولان شیخ مصطفی قدس سره الاعلی  
 حضرت ترینک تریبه لطیفه سنی دخی اشقودره محصلی سعادتلو حسن پاشا  
 حضرت ترینک کتخداسی درگاه عالی قیوجی باشلرندن ابراهیم اغا تعمیر واحیا  
 وجسر مصطفی پاشا قضاسنده تابع حصارلق قریه سنده مہدم اولان جامع  
 شریفی قضاء مزبور و یوده سی درگاه عالی قیوجی باشلرندن محمد رشید بک  
 مجدد ا بنا و شنی قضاسنده مشرف خراب اولان مشیکلی جامع شریفی  
 قصبه مزبوره وجوهندن زعیم زاده احمد بک و قره اغاج جامعنی نفوس  
 مقیدی ابراهیم اغا و عبد الرزاق جامعیلہ حاجی مصطفی اغا مسجدینی  
 تجارندن قرمان زاده الحاج مصطفی اغا و چالق اوغلی جامعنی قنطاری  
 زاده الحاج ابراهیم اغا و حاجی عمر جامعنی حاجی حسین اغا و قوچه شیخ  
 جامعنی الحاج سیف اه اغا و محترق جامعنی دخی علی و ہی افندی تعمیر  
 وانشا ایش و شریف خلیل پاشا جامع شریفندن جام عتیق کپریسنه  
 و قره اغاج جامعنی پیشکاهندن ایوب افندی جامع شریفنه دکن اوچییک  
 سکز یوز ذراع مقداری خراب و فرسوده اولان قالدیرملری وجوهندن صالح  
 قانی افندی تعمیر و ترمیم و تاتار بازاری قضاسنده جبجی صالین جامع شریفی  
 پیشکاهندن قیر قیوسی نام محله قدر سکز یوز التمش ذراع مقداری محله  
 درگاه عالی قیوجی باشلرندن و قضاء مزبور خاندانندن طاهر بک مجدد ا  
 قالدیرم فرش و تنظیم ایش وینہ قصبه مزبوره عمارت جامع شریفی  
 حوالیسنده واقع مدرسه یه مدرسہ بولسان محمد فوزی افندی طرفندن مجدد ا  
 درت او طه علاوه وانشا و چار سو دروننده کاش محترق اولان مدرسه دخی  
 مدرسین کر آمدن سید مصطفی افندی جانندن بنا و احیا قلمش و کلیبولی  
 قصبه سنده قلیطه خانه جوارنده کاش چشمہ نک بولر یله دریا کارنده  
 ازماق لرام محله و حسن بالی حوضی جاده سنده اولان خراب جسر لر  
 و فرسوده اولان قالدیرملرک اها لسی طرفندن تعمیرینه اعتنا و بحر سفید  
 یوزا زنده مایدوس قریه سی جوارنده قرننه محلی تخصیص اولنان محله  
 ظهور ایدن ایکی ماصوره مقداری ماء لذیذ مأمورا اول طرفنده بولسان میر لوا  
 عزتلو فرهاد پاشا جانندن محل مزبوره مجدد ا بنا قلنان چشمه یه اجرا اولمش  
 واشقودره کارندن جریان ایدن بولسان نام نہر اوزرینه مینی طولاً بشیوز  
 قرق ایکی ذراع جسر دخی اشقودره محصلی مشارالیه حسن پاشا حضرت تری  
 طرفندن متانت و رضانت اوزره تعمیر و تسویه اولنه رق بو وسائل حسنه ایله  
 طرف اشرف جناب کیتی ستانی ایچون جله دن استجلاب دعوات خیریه  
 واستحصال اجور جزیلہ قلمش اولدیغی روم ایلی طرفندن ورود ایدن  
 ژورنال اورا قننده محرر اولدیغی تقویم وقایعخانه طرفنه وارد اولان  
 علم و خبرده مسطور در

سایه شوکتوایه حضرت جهانداریده وضع و تأسیس اولمش اولان قرننه  
 ماده نافعہ سنہ متفرع اولان خصوصاتک اجراسی لازمه دن و بعض  
 تعقیباتی مستلزم اولان شیلرک دفعیلہ محال و مواقع لازمه نک تصفیہ و تطہیری  
 اقتضای حالندن و در سعادتده واقع طاووقی دکا نرنده ذبح اولنان طاووقرک  
 بولاشغی دکان ایچنده قالمسیلہ اندن حاصل اولان تعفنگ دخی دفعی قرننه  
 اصولی استنادن اوله رق اومقوله در وننده طاووق ذبح اولنه جق دکا نر  
 ایچون اسکلہ سنده تخصیص اولنه جق محله قالدیر یلوب اوراده ذبحیلہ  
 تعمیر لک بولاشغک بر حال بحرہ القاسی خصوصنه متعلق پیوریلان اراده  
 سنیه ملوکانه منطوق منجی اوزره اجرای اقتضاسی سعادتلو احتساب ناظرینہ  
 حرا لہ اولمشدر

توجیہات علیہ \*

شرفریز صدور پیوریلان امر و اراده عنایتعا ده جناب خلافتناھی  
 موجبہ بلاد دوریه دن طرابلس غرب قاضیسی محمد نجم الدین افندی یه  
 ماه سابقک یکریمی برنجی کونندن بالاعتبار موصل بلاد اربعه اولق اوزره  
 اسکدار پایہ سی و بلاد دوریه دن مرعش قضاسی سنہ آتیه جادی الاخره سی  
 غره سندن ضبط ایتک اوزره حرکت التمثلی ایله قصاب زاده درادرنہ  
 مدرسہ سی مدرسہ قدسی علی زاده السید یوسف افندی یه توجیہ واحسان  
 و ایجاب ایدن امر عالیبری اعطاسیلہ مومی الیہا خندان قلمشدر  
 عاطفت افزای صدور پیوریلان امر و اراده احسانعا ده حضرت جہانبا نی  
 موجبہ حرکت داخل ایله درسیہ الحاج محمد افندی در قرب فاتح مدرسہ  
 دیوان کاتبی عثمان بک زاده شعیب حاجی افندی یه شهر سابقک اوچینی کونی  
 سخن اعتباری و دارالحدیث حرم چلبی مدرسہ سی ینہ ماه سابقک اوچینی کونی  
 مفتی زاده السید مصطفی زکی افندی یه و درسیہ فرهاد بک در جامع ملا عشق  
 پایہ انا طولی حالاً استانبول قاضیسی فضیلتلو راعف افندی  
 حضرت ترینک حقیدی السید محمد سالم افندی یه و درسیہ سعدی زاده  
 در جامع فیروز بک مشارالیه دیکر حقیدی السید محمد اسعد افندی یه ماه  
 سابقک اون اوچینی کونی اشارت علیہ ایله با ابتدا خارج توجیہ واحسان  
 و ایجاب ایدن رؤس ہمایونلری اعطاسیلہ بشقہ بشقہ ہر بری مسرور و شادان  
 پیورلمشدر

خلیل پاشا زاده زاده سی السید خلیل نسب بک فوت اولمش اولغله عہدہ سندن  
 منحلہ اولان قاضی عسکر حسن افندی مدرسہ سی سخن اعتباریلہ درسیہ  
 در جامع سلطان سلیم عن وقف قریبی عبدالرحیم مدرسہ احدشکری افندی  
 زاده السید محمد توفیق افندی یه با ابتدا التمثلی یری ابتدا خارج ایله درسیہ  
 فرهاد بک در جامع ملا عشق مدرسہ علی رضا بک حقیدی میر السید حسن  
 حسنی افندی یه با حرکت خارج و مغنساوی مسود لطف اه افندی وفات  
 ایتکلہ عہدہ سندن منحلہ اولان سخن مدرسہ سی موصلہ سخن ایله درسیہ  
 خواجہ فاطمہ خاتون مدرسہ و ونہ وی السید مصطفی افندی یه با سخن  
 یری حرکت داخل ایله درسیہ الحاج محمد افندی مدرسہ دکر لیلی احمد افندی یه  
 با موصلہ سخن یری ابتدا داخل ایله درسیہ نازیکی خاتون در جامع ملاخوین  
 مدرسہ یری کویلی حافظ علی افندی یه با حرکت داخل یری حرکت خارج ایله  
 رابعہ عثمان افندی مدرسہ سی مدرسہ شمشجی زاده زاده سی السید  
 احمد مشرف افندی یه با ابتدا داخل یری ابتدا خارج ایله دارالحدیث حرم چلبی  
 مدرسہ مشرب زاده افندی حقیدی محمد اسعد افندی یه با حرکت خارج  
 و فتوی امینی اسبق ابراهیم افندی زاده السید محمد زهدی افندی خواجگانلق  
 رتبہ سیلہ بکام اولغله عہدہ سندن منحلہ اولان احمد چاوش مدرسہ سی  
 حرکت داخل ایله ابوالفضل محمود افندی مدرسہ سی مدرسہ و ی  
 الحاج عثمان افندی یه با موصلہ سخن یری ابتدا داخل ایله محی الدین  
 فوجہ وی مدرسہ سی مدرسہ انقرہ وی حسین واصف افندی یه با حرکت داخل  
 یری حرکت خارج ایله درسیہ در جامع سلطان بایزید عن وقف عمر افندی  
 کاتب ضربخانه مدرسہ نظیف افندی برادر زاده سی نوری بک زاده  
 میرالسید محمد امین افندی یه با ابتدا داخل یری ابتدا خارج ایله ثانیہ بالی پاشا  
 مدرسہ سی مدرسہ کوا کبی زاده راشد افندی زاده محمد امین افندی یه  
 با حرکت خارج و عاشر افندی حقیدی مصطفی عاشر افندی سلاک عسکری یه  
 منسلک اولغله عہدہ سندن منحلہ اولان دزداریہ مدرسہ سی حرکت خارج ایله  
 درسیہ فتوی السید حسن افندی در جامع سلطان محمد خان مدرسہ  
 قیوجقلی زاده زاده سی السید عبدالرحمن افندی یه با ابتدا داخل یری  
 ابتدا خارج ایله درسیہ سعدی زاده در جامع فیروز بک مدرسہ صحافر شینی زاده  
 اسعد افندی زاده السید احمد ضیاء الدین افندی یه حرکت خارج ایله  
 با اشارت علیہ توجیہ و ماہ سابق مر قومک غره سیلہ مورخ رؤس ہمایونلری  
 اعطا اولمشدر